

# Athör cī Paulo gät kōc gen Pilipi

## Wet nom

Athör cī Paulo gät kōc gen Pilipi ē get kōc cī gam pan mec kōc pan Roma cōl Mathedonia. Ee get yon ȳot mec yen. Ku ē rem puōu piōōc ē lueth kōc kōk cī gam gen Pilipi. Athör kēnē ē gam ril ē Paulo tēnē Jethu raan cī lōc ku dōc nyuōōth.

Kēnē yen get athōōr ē wet bī yen kōc cī gam gen Pilipi leec kākken cīk tuōc ye yon cī kākke yiic riel. Aake get keek athōōr aya bī ben lek ke bīk puōth riel, ku thōōn kepuōth kuat aliāmde yic, ku aliām cī ke yōk aya. Ku yōōk ke bīk rōt aa dhuōk piny bīk ciet Jethu, tēn lōn bī nhiaam ku nhiēr rot ke thel wei. Acī lek ke lōn pīr ē tōk kek Raan cī lōc ku dōc, ee dhēēȳ cī Nhialic yiēk kōc ē dhōl gam, acie dhōl athēek lōȳ kōc Itharel. Acī gōt rin miet puōu ku dōōr ye Nhialic yiēk kōc cī rōt mat kek Raan cī lōc ku dōc.

Athör kēnē, ee miet ku thōn ē puōu ku ȳiec rēēr, ku bī gam ku pīr tō kek kōc cī gam muk nom. Ku ē nhiēr nhiēr Paulo kōc cī gam tō gen Pilipi nyuōōth aya.

## Kāk tō thīn

Muōth tueȳ 1:1-11

Kāk cī rōt looi tēnē Paulo 1:12-26

Pīr rēēr ke Jethu 1:27-2:18

Kāk cī guiir tēnē Timothī ku Epaprodituth 2:19-30

Lēk rin kārec ku kōc ater 3:1-4:9

Paulo ku māthke gen Pilipi 4:10-20

Muōth ciēēn 4:21-23

**1** <sup>1</sup> Yēn Paulo ku Timothī yōk kōc lui rin Jethu raan cī lōc ku dōc, yēn agāt we athōōr, wek kōc ē tōk kek Jethu gen Pilipi, ku kōcdīt akut ku kuat kōc ke kony reer thīn ēbēn.

<sup>2</sup> Bī Nhialic Wāda kek Beny Jethu raan cī lōc ku dōc we gām athiēēi ku dōōr.

## Rōōk Paulo rin kōc kuen athōrde

<sup>3</sup> Yēn ē Nhialic wāda leec te tak yēn we akōlakōl. <sup>4</sup> Yēn ē puōu miet apeī rōōkdiē yic rienkun ēbēn, <sup>5</sup> rin cī wek yēn kony bāk Wet Puōth Yam nyuōth kōc ya akōl tōȳ wāār ȳic wek ye agut ēmēn. <sup>6</sup> Aȳiec ȳapuōu lōn Nhialic, raan wāār loi ē kēnē tēnē we, abī dhiel muōk thīn kēya yēt akōl bī Raan cī lōc ku dōc Jethu dhuk pinyhom.

<sup>7</sup> Wek aa kōckien nhiaar apeī, wek aaya tak akōlakōl. Ku ē yic, ba we aa tak wet nhiēr yēn we. Rin wek aa lui ku kuōnykē yēn ē luoi ril cī Nhialic yiēk yēn ēmēn. Ku ēmēn mec yēn ku wāār kēc yēn mac, yēn acī ben ȳiec la jam rin Wet Puōth Yam, ku acī ben riel apeī yēt te cī ye gam kōc juēc apeī. <sup>8</sup> Aȳic Nhialic lōn kē luēel ē yic lōn nhiērdiē tēnē we acīt nhiēr Bānyda Jethu nhiēr yēn ȳo.

<sup>9</sup> Yēn ē rōōk bī nhiērdun rot ajuak akōlakōl, ku bāk yic ȳic, ku yakē ke looi kāk la cōk Nhialic nom, <sup>10</sup> bī we kony bāk aa looi kēpath. Kēya, ke wek aabī gup cien awuōc akōl le Raan cī lōc ku dōc dhuk pinyhom.

<sup>11</sup> Pierdun abī yic thiāȳ kāpath ē Jethu yēn ye ke yōk thīn, rin bī Nhialic aleec ku dor.

## Raan cī lōc ku dōc yēn ee pīr

<sup>12</sup> Awiēc bāk ȳic miethakāi cī gam, lōn kuat kāk cī rōt luōi yēn aacī Wet Puōth Yam cōl ala tueȳ. <sup>13</sup> Kuat raan reer ten ēbēn agut kōc tit pan benydīt thok, aȳickē lōn cī yēn dōm rin ye yēn raan lui rin Jethu. <sup>14</sup> Ku rin cī yēn mac, acī miethakāi cī gam cōl aa ril puōth bīk Wet Puōth Yam aa lek kōc ke cīn riōōc.

<sup>15</sup> Ee yic, kōc kōk aa wet Raan cī lōc ku dōc piōōc ē tiēl ku rin cīi kek luoidiē nhiaar. Ku kōc kōk ayekē piōōc piānden ēbēn. <sup>16</sup> Aye kōckā looi rin nhiēr ku rin ȳic kek ye aya lōn cī Nhialic ȳa luōōi ba wetde tiit bī cīi riāāk. <sup>17</sup> Kōc kōk kamken aya, aacie piōōc ē cōk, aa piōōc rin nhiaam ē path, ku yekē tak lōn bī kek ȳa luōi aliāāp te ȳot mec ȳa. <sup>18</sup> Acīn kē ye looi, yēn amit puōu te ȳot ye wet Raan cī lōc ku dōc piōōc kuat dhēl cī yōk, cōk alōn le yēn kē tō kepuōth. Yēn abī rēēr ȳa mit puōu.

<sup>19</sup> Rin aȳiec lōn rōōkkun ku kuōny bō tēnē Wēi ē Jethu raan cī lōc ku dōc, aa bā cōl alony. <sup>20</sup> Aya ȳōōth ȳapuōu lōn bī yēn a kēpath yēn luōi akōlakōl agut ēmēn thiin, yēn abī la riel ē puōu kek guāpdie ēbēn, bī ya

këpath yen luoi rin bi yen lac beei tēnē Jethu te pīr yen, tedē ke ya thou. <sup>21</sup> Pīr ē wet Raan cī loc ku dōc juak tuēŋ, ku na thuōu rin wetde ka path aya tēnē ya. <sup>22</sup> Ku na ye kē bī yen ŋot ya pīr yen bī yen luoi juēc path looi, ka cā ŋic yeŋō ba kuany. <sup>23</sup> Akōl det aya nhiaar ba cīi thou, ku akōl det awiēc ba thou rin anhiaar ba la rēer kek Raan cī loc ku dōc, ku kēnē yen aya yōk ke path. <sup>24</sup> Ku rienkun, apath apei ba pīr ē ten pinynhom. <sup>25</sup> Kēnē aŋiec apei, kē yen ŋiec yen abī rēer. Yen abī rēer ē ten kek we ēbēn ba miet puōu gamdun juak yic. <sup>26</sup> Kēya, te ben yen la dhuk ba rēer kek we, ke wek aabi nhiam rienkie pierdun yic, ke we ye tōk kek Jethu Raan cī loc ku dōc.

<sup>27</sup> Kuat kē bī rot looi tēnē ya, muōkkē wenhūim lōn dhil wek pīr, pīr kōc cī gam, cōk alōn cīi yen week bī ben tiŋ akōldā. Aba ya piŋ lōn wek aa ril wet Nhialic yic, ku week aa lui tōk apei rin Wet Puōth Yam. <sup>28</sup> Duōkkē ye riōc kōc aterkun, yen abī ye nyuōth keek lōn cīi kek we bī lēu, rin yeen Nhialic yen we gām riel bī wek ke gōōk. <sup>29</sup> Rin wek aaci gām yic bāk Raan cī loc ku dōc aa luōi ku acie gam ē rot, ee ku bāk gum cimēnde aya. <sup>30</sup> Ēmēn aleukē bāk yen kony ye luoi kēnē. Yen luoi tōŋ wāar cāk tiŋ theer ke luoi, ku cīt te yakē pieŋ ye, yen aŋot ya lui apei.

Jethu ē rot dhuōk piny cōk alōn ril yen apei

**2** <sup>1</sup> Pierdun ke we ye kōc Raan cī loc ku dōc, ee we cōl aril ku nhiērde ē we liēr puōth. Wek aa rēer ke Wēi Nhialic, wek aa la piath ku nhiēr nhieer wek rōt kamkun. <sup>2</sup> Matkē weyiic bāk aa looi ē tōk, ku nhiarkē rōt, yen abī miet ē puōu beei tēnē ya. <sup>3</sup> Duōkkē puōth ē dit bāk kāŋ aa wīc ē rienkie ku yakē nhiam, yakē rōt dhuōk piny kōc kōk nhūim. Yakē kōc kōk tiŋ ciet kek path tēnē we. <sup>4</sup> Acīn raan ben a lui kēnē nhiamde, yakē jal looi kē kony we ēbēn.

<sup>5</sup> Wek aadhil thōŋ kek Jethu raan cī loc ku dōc ē tāktākdun yic.

<sup>6</sup> Wēn cōk Bānyda Jethu aa Nhialic guōp akēc rot thōōŋ ke Nhialic.

<sup>7</sup> Ku aci tēden dūit yen thīn puōl, ku cōl rot aye alony cimēn raan ē path.

<sup>8</sup> Acī rot ben dhuōk piny, ku gem bī gum ku thou, cimēn raan la guōp awuōc, arek abī piāat ē tim cī riū kōu.

<sup>9</sup> Rin ē wet kēnē yen aci Nhialic ye ben jōt bei raŋ yic kam kōc cī thou, ku yeth nhial ku ler ku yīk riel kēriēc ēbēn nom.

<sup>10</sup> Ku kēya rin atheek rin Jethu, kāk nhial ku pinynhom, ku piny ten kōc cī thou aa dhil kenhiol guōt piny.

<sup>11</sup> Ku keek ēbēn abik lueel lōn ye Jethu raan cī loc ku dōc Beny, rin duaar ē Nhialic Wun.

Pierden ē Jethu nyuōth

<sup>12</sup> Kēya, wāar rēer yen kek we miethakāi cī gam, wek aa we ya theek, ku ēmēn awiēc bāk ŋot we thek yen ke ya cīi rēer kek we. Lak tuēŋ ke we thek Nhialic rin cī we weer bei. <sup>13</sup> Rin Nhialic alui weyiic, ee we kony bī we cōk puōth ku bāk kē wīc looi.

<sup>14</sup> Luoi kē kēriēc ke cīn ater kamkun ku agōth, <sup>15</sup> rin bī wek aa mīth Nhialic cīn gup awuōc ē piny cī thiāŋ kōc rec la gup adumuōm. Calkē rōt aa la gei kamken cimēn pēei nhial, <sup>16</sup> cimēn ye wek ke lek wet pīr. Na luoi kē kēya, ke yen abī nhiam rienkun akōl le Raan cī loc ku dōc dhuk pinynhom, rin bī ye nyuōth lōn kēc luoidien ca looi nom deer piny ē path.

<sup>17</sup> Na cōk aa lōn guum yen rin bī gamdun riel tēnē Nhialic, ke yen abī puōu miet apeidit ke we ēbēn. <sup>18</sup> Ku kēlā aya, wek aabi puōth miet kek ya.

Timothī ku Epaprodituth

<sup>19</sup> Na wīc Beny ke wek aba tuōc Timothī ē nīnkā, rin bī te luui wek thīn ya deet puōu. <sup>20</sup> Ee yen raan tōŋ ē tak cimēndie, kē tō yapuōu looi, ku acīn raan nhiaar we apei cimēnde. <sup>21</sup> Raan ēbēn ē yehom yiēc kēden looi, ku cīi yepuōu yīk kē wīc Jethu raan cī loc ku dōc. <sup>22</sup> Ku aŋieckē kek we ē rōt yen te cī Timothī rot nyuōth thīn cimēn meth ke wun. Yok aaci luui ē tōk rin Wet Puōth Yam. <sup>23</sup> Kēya aba tuōc we, te le yen ye ŋic yeŋō bī rot looi tēnē yen ēmēn cī ya mac. <sup>24</sup> Ku yen aŋōth Beny lōn bī yen rot lēu ba ben tēnē we ē nīnkā.

<sup>25</sup> Aca tak ba wāmāath cī gam, Epaprodituth cōl adhuk. Yeen ē raan ē luoi apei buōth Beny cimēndie. Ee cāk tuōc yen bā ben a kony, <sup>26</sup> ku ēmēn awīc apei bī we tiŋ. Adieer rin cī wek ye piŋ lōn cī ye tuaany. <sup>27</sup> Ee cī tuaany abī duer thou. Ku yeen aci Nhialic ben cōl apuōl, ku acie yen ē rot, pial guōpde aci kēnē bī yen cōl aŋeer yic ben wel yic aya. <sup>28</sup> Awiēc aya ba cōl adhuk tēnē we rin te ben wek ye tiŋ ke wek aabi puōth miet,

ku acin det bi yen ben dieer. <sup>29</sup> Luorkë ë puön path apeï ke cit menhkui Jethu nhom. Nyuöthkë kuat raan cit ye ëbën athëek, <sup>30</sup> rin ëci duer thou rin luoi tënë Raan ci loc ku doc, ku akëc dieer ë weike ku gem ya kuöny cin te bäk leu ye.

### Yiny la cök

**3** <sup>1</sup> Ku wet det ba lek we miethakäi ci gam ë ku bäk puöth miet rin ci wek mat kek Beny. Acii rac ba käk ca gät we theer ben dhuök yiic, ku ë yen abi we kuöny te looi yen ye këya.

<sup>2</sup> Tietkë röt koc rec, koc luui cimën jök. Acie nuöt ë rot yen wickë, wek aa wic kajuëc kök bäk ke looi. <sup>3</sup> Aa yook, aacie kek ci nuöt yic yök, rin yok aa Nhialic door riel ë Weike. Ku yok aa mit puöth pierda yic rin ci yok aa koc Raan ci loc ku doc Jethu. Acie käk ye raan ë path looi ye tij kek yeku ke njöth. <sup>4</sup> Na le raan ye tak lon bi yen pir Nhialic nhom rin käk ye looi koc gup, ka cin raan war yen mukmuk nhom löj theer. Na ye koc piir, nuöt yen aci pir. <sup>5</sup> Yen a ya not ke ya la nin kadhrou ten dhiëth ya. Yen ë raan Itharel, raan dhiënh Benjamin, kuat Itharel ë gei. Rin muj löj nhom, yen ë raan akut Parathi. <sup>6</sup> Rin ye yen raan akut Parathi yen aye yen koc ci gam col aa nek, ku rin ye raan la cök te theek yen löj, ke yen a ya cin guöp awuöc.

<sup>7</sup> Kuat kawäär ya njöth kecit kápath, aacii ben cii ye kápath. <sup>8</sup> Acin kepuöth war njiny bi yen Bánydie Raan ci loc ku doc Jethu njic. Yen aci keriëec ëbën puöl rin bi yen a raande, <sup>9</sup> ku ba ya tök ke ye. Rin acä lëu ba la cök ë Nhialic nhom te theek yen löj. Ku yen aci jal la cök rin ci yen Jethu gam, la cök tënë Nhialic rin ë gam. <sup>10</sup> Kë wiëc ë lon ba Raan ci loc ku doc, ku riel wäär jot ye kam koc ci thou njic. Awiëc ba ya tök ke ye ë gum ku thuönde yic. <sup>11</sup> Ku njäath lon bi yen jot thou yic ba pir.

<sup>12</sup> Acä ye lueel lon ci yen jal a raan la cök, ajet wiëc apeï ba ya raan la cök cit te wic Jethu raan ci loc ku doc ye thin. <sup>13</sup> Wet lek we akin miethakäi ci gam, acä njic lon le yen kë ca lëu, yen acie deei ciëen, yen ë daai tuen bi ya wet aköldä yen thuuth yen ku päl kátheer. <sup>14</sup> Yen abuoth dhel yic apath rin bi yen ariöp yök. Ee yen ariöp bi Nhialic gam ya rin kë ci Raan ci loc ku doc looi.

<sup>15</sup> Yok koc la gam ril yok aa dhil luui ë dhel këne. Ku na le koc kök kamkun cii lui ë dhel këne, ke Nhialic yen abi ye det yic we. <sup>16</sup> Lokku tuen kek löj Nhialic cimën wäär njic yok ye.

<sup>17</sup> Miethakäi ci gam biathkë yacök, ku piöckë tënë koc kawäär ca piöc tënë ke buöth yiic. <sup>18</sup> Wek aaca lek ë këne arak juëc, ku emën aben ber yic piu ë nyin guöp, koc kök aacie thon Jethu tim ci riü kou rin bi yen ke waar adumuöömken yiic ë gam. <sup>19</sup> Aabi la pan mac rin ye kek kepuöth yiëc käk wic guäpken. Aa nhiam käk ke bi ke col ayär gup, ku aa käk pinynhom kek aa yekë tak kepec. <sup>20</sup> Ku yook pan Nhialic yen këda. Yok aa tit Aluändan bi ben nhial, Beny Jethu Raan ci loc ku doc, <sup>21</sup> yen la riel ë yen keriëec ëbën col aa bö yecök, abi gupkuan ci thianj adumuööm looi bik yer cimën guäpde.

### Läk

**4** <sup>1</sup> Miethakäi ci gam wek aa nhiaar apeï, deetkë wepuöth ku thekkë Bány. Wek aaca dak, wek aa yen col amit puöu, wek aa yen col anhiam.

<sup>2</sup> Yin Yuodia ku yin Thintike wek lanj, döörkë, wek aa koc töj ë Beny. <sup>3</sup> Ku tënë yi raandien nhiaar lui kek ya, awiëc ba diäarkä kony rin aci luui kek yen apeï buk Wet Puöth Yam tek piny, keek ëbën kek raan col Klemen ku kocquan kök lui ke yo tö rienken athör Nhialic yic, athör pir.

<sup>4</sup> Yakë puöth miet rin ye wek tök ke Beny. Aber yic, yakë puöth miet. <sup>5</sup> Yakë röt piëj wël ë kamkun. Beny aci thiök. <sup>6</sup> Acin kë riöc wek, ku yakë Nhialic thiëec röökduun yic käk wiëckë ke, yakë thiëc ë puön path akölaköl. <sup>7</sup> Ku döör Nhialic cie deet yic raan ë path, abi we kony bäk cii ye dieer ku cak riöc käril we yök yiic, ke we ë tök kek Raan ci loc ku doc Jethu.

<sup>8</sup> Wet ci jal döj ba lueel miethakäi, yakë ke tak kápath, käk ye raan ëbën nhiaar, käk ye we leec thin, käk yith thiek yiic, käk la cök ku lek gei, käk nhiaar ke raan ëbën. <sup>9</sup> Wek aa njic kawäär ca piöc tënë we, ku käk cak piñ ke ya lueel ku tienkë yen ke luöci ke. Këya, biathkë luödie yic, ku Nhialic yen döör gam abi reer ke we.

### Paulo acä aleec gam rin käk ci gam ye

<sup>10</sup> Pierdie yic kek Beny, yen aci puöu miet rin tedüt cak nöc ku benkë yen ben nyuöth teduun muk wek ya thin. Ku acie rin ci wek köc we cii wenhiim yik yen, ee rin cin wek riel. <sup>11</sup> Yen aacii këne luel rin ci wek ya päl wei, aa käk reer kek yen kek aaca njic rot. <sup>12</sup> Alëu ba pir ë path te cok yen la kalik, kueth ku cok aa thön tënë ya, jieek ku njöñ aya, aa thön. <sup>13</sup> Kuat kë ya looi ëbën, aya looi riel ye Raan ci loc ku doc gam yen.

<sup>14</sup> Ku apath apei yen wet ci wek ya kony aterkie yiic. <sup>15</sup> Wek koc gen Pilipi anjeckë apath, lon wäär jiël yen Mathedonia nin tuej wäär piöoc Wet Puoth Yam, wek aa we koc ci gam ya kony. Wek aa we ye köoc kek yen käpiathkie ku kårackie yiic. <sup>16</sup> Agut ci wäär cok yen rëer Thethalonika wek aaci kuöonydun ben aa tuöc yen emën ku emën. <sup>17</sup> Acie ku bak ya muöoc yen wiëc, ee döc ye yök te muöoc raan koc yen awiëc ba juak yic. <sup>18</sup> Käk wiëc aaca yök, ku aa juëc apei. Kwat kæk wiëc ëbën aaci Epaprodituth beei tënë ya. Aa cit tol adöj njir ye took luañ ë Nhialic, ajuër ci Nhialic gam ku col ye amit puöu. <sup>19</sup> Ku Nhialic abi we gam kæk wiëckë ë kækken juëc yiic, kæk ye ke yök rin Raan ci loc ku döc Jethu. <sup>20</sup> Bi Nhialic Wäda aleec akölaköl! Yenakan.

#### Muöth ciëen

<sup>21</sup> Miäthkë koc ci gam, koc Raan ci loc ku döc Jethu. Miethakäi reer kek yen aa we muööth. <sup>22</sup> Koc ci gam ëbën ë tenë agut koc lui pan Benyñaknhom Cither aa we muööth aya.

<sup>23</sup> Athieei ë Bänyda Jethu raan ci loc ku döc, abi ya rëer kek we ëbën.